

禮

記

思

禮記思序

禮記何為而作也。本於人心之思也。而
禮曰毋不敬。而即敬之曰儼若思。
思其家之象而禮之精乎。三千三
百。一節也。一思也。子思曰。不知心禮
何。則學禮文。庶幾禮何。歸入

既思禮月。移土。思。爲用。因人心。而
泐極。臣。之。善。相。乎。今。夫。主。禮。制。於
天。高。地。下。字。然。以。思。則。審。賁。之。愧
字。審。之。禮。文。於。周。旋。空。降。字。復
之。思。則。玉。帛。上。得。而。情。之。禮。經。於
議。臣。度。既。字。會。之。思。則。審。之。禮。

曰世用。夫子刪定以荷。宋孝世禮。思
有脈殺。名矣。宋儒初說以反。宋孝
有禮。思有殺。就。名矣。曰氣。傷。
曰木。曰和。曰。禽。曰。子。曰。而。曰。亦。禽。曰。未
言。與。禮。思。曰。用。曰。自。是。也。子。勝。曰。有
思。曰。那。也。此。論。且。為。德。身。至。禮。之。為

思之於禮以自行其性也。而
而主其學禮者。有得於思之。所以
從來從禮後。凡但求端於并初。而
學信一集之。而贊疣其。其經大小氣而
州人。凡四十七。而文皆可以一思。而
學而徹之。經文何以。而周禮全識。

清何以不與交會。僧曰何以不與芝
石無交會。侯氏曰不。何少與芝易世
人心會。言石與芝可交。秦火拂可離。
相會拂可決。交離拂可融。則之拂
思之也。今之石與子業交。誰能見便
於此。故能。而業交。安大。家。不。何。不。

性。情。而。互。文。生。焉。且。則。得。之。心。思。而。不。得。
也。食。變。未。燦。至。大。人。命。以。字。體。合。二
十。行。年。如。能。以。思。一。所。入。名。為。禮。之。所
出。定。尊。經。而。異。傳。不。可。任。傳。而。能
經。歷。閱。說。禮。者。五。十。行。品。雖。黃。山。岡
余。泰。若。是。設。以。付。明。近。及。得。乎。子

而賴以稱。嗚呼。名理具於禮也。四

十年矣。十年前。余始有知之一書。嫌

其不守。甲子三月。余讀書常溪山中。

社又劉生。此君以子執弟子禮。僕經

商業。余因口授而筆之。凡三月。月

而得此書。每一兩卷。朗誦白文。不

十。取古人之所思者。轉之爲念。以
取之。而之所思者。即之古人。一讀一思。
一思一快。覺津。之。快。應余心。其
或埋沒於腐儒。之。章。裂句。之。陋。習。
之。則。章。今。於。學。究。不。識。就。其。斜。之。
如。智。者。偶。余。題。彼。佳。子。拓。出。世。之。

標一也。堅一義。無之。音院。呼。後。如。
 任。任。理。大。原。有。溪。漱。奧。渺。之。音。以。
 明。在。理。之。又。有。音。甘。香。淡。融。素。之。
 子。子。刻。貝。侵。昭。也。以。丹。思。之。之。因。
 自然其書曰禮記思。

明大正七年丁卯夏月東信

神心秘旨書於門禪念

禮記思卷之一

明東海弗如趙 俱著

門人

義生張若麟
振子張若麒 較

曲禮

曲禮曰毋

節

曲字內。要想見洋洋優優意。禮全在人心上看。曰者。先王垂訓之辭。毋字有工夫。中庸戒慎恐懼也。只是一箇毋不敬。儼若三句皆敬之可見者。正是毋不敬。安民不作效。說民不安。

都只爲不能敬此堯舜之猶病正堯舜之修已處人多不知

教不可長

節

教亦人情所不能無但不可長耳儘有當教而教者四不可處亦只消一敬足矣仍是母不敬

賢者狎而

節

狎畏愛憎積安六字賢者只是不肯認真了他故不爲所誤世人都一味錯認真耳仍是母不敬

臨財母苟

節

二臨字二求字是最易受病處四母字特下一劫藥這裏面

也有敬在

疑事毋質

節

有比質更爲偏拘。所謂意見最害事。這裏面也有敬在。

若夫坐如

節

若夫二字發語甚閒。提醒甚緊。坐立之頃。人所易忽者。而亦不可不敬也。亦仍是毋不敬。要知要知。

禮從宜

節

從俗正從宜之一事。

夫禮者

節

定決別明四字人所易知。所以二字人多不能着眼。當思所以之意。謂何夫。禮者三字不閒。每節出一禮字。具見提呼。

禮不妄說

節

此是巧言令色。脅肩諂笑一流人。

禮不踰節

節

踰節卽所謂足恭是也。俱當在容貌儀文上說。禮原是曲禮。亦只是要毋不敬。

修身踐言

節

合身與言而行有實體。合言與行而禮有根基。言行若不相

顧禮豈能憑空做起。質者質幹體質之謂。

禮聞取於

節

下句解上句。聞不聞字法亦甚妙。言好爲人師者。說亦不中聽也。禮上不曾聽的。有這等事。世人奈何只要做。

道德仁義

七節

成字。備字。決字。定字。親字。威嚴誠莊。俱要說得與禮字關合。方妙。

是以君子

節

上七箇禮字內。俱有恭敬樽節退讓意思。在。以明禮者。解析。

精微之極。從本源上做工夫也。

鸚鵡能言

節

禽獸之心四字。說得凜然。所謂人心惟危也。

是故聖人

節

爲禮與有禮。緊相呼應。知自別三字。煞妙。蓋以撥轉其良心也。

太上貴德

節

德者。渾然相忘于爾我形骸之外。施報則有意。周旋于酬酢往還之間。此禮之所以不容已也。

人有禮則

節

人禽于此分途豈不危乎危乎

夫禮者自

節

只是說無人無禮無人不當學禮必有而況四字緊打上不可不意

富貴而知

節

不驕不淫不懾正是安處

人生十年

節

此吾人一生年譜也及時有爲者每閱歷十年卽更換一境

反觀自顧寧不虛度一生意者吾夫子十有五而志于學一章其庶幾足以了此生矣

若不得謝

二節

此二節人君優渥老臣之禮

自稱曰老

二節

此二節老臣不敢以老成自居之禮

夫爲人子

節

五者之稱不同俱要貼孝字意總是一箇孝心所孚契也

聽於無聲

節

精神無一息不與親相流通。則所見無非親者。親之形聲有時離。人子之視聽無他適。慈媼嚙指。孝子心動。其一証也。

不登高不

節

服閭亦只如納履整冠之類。到此忽着孝子二字。亦極得力。蓋行事閭中。雖無苟且之心。而示人以可疑之迹。便不是孝子一段光明正大心腸。

將上堂聲

節

每見心術不正。行止不端之人。或潛聲以升堂。或直前而入室。一到人家。或遠瞻迴顧。流盼邪視。爲盱眙窺伺之態。則其

人之輕薄無涵養可知大抵禮以制形爲用以制心爲本一念不正發于方寸者甚微而形于舉動者不可掩自卽于放肆邪侈而不知故君子于上堂入戶之際事事恭謹其矜持小實爲正心誠意之功

正爾容聽

節

則古昔稱先王獨非勦說乎獨非雷同乎蓋勦說雷同者皆中漫無主持唯喏隨人同聲附和全未有真見全未有成畫則字稱字內便有許多斟酌其可否折衷其是非依據模倣之中具有簡確權衡之意古昔可法卽因之而不改不爲勦

說先王可述卽守之而不變不爲雷同

請業則起

節

起雖是致敬然精神悚惕意氣鼓舞于所請者而恍有領悟處全在起也

父子不同

節

卽承上女子子而言不唯兄弟弗與同席卽父子亦不與同席也若指男子便說不去

故日月以

節

厚別者多方以別之不嫌于太重不妨于過慎也此主有位

庸言卷之一
者言

貧者不以

節

禮者敬而已。心存乎敬。財力不足。非禮之咎也。

餽餘不祭

節

後註理較長

凡爲君使

節

此宿字當與宿諾之宿同

博聞強識

節

重讓與不息。天下惟道爲難窮。心常易滿。曰讓則若無。若虛。

便有許多深造處。曰：「不息則如不及，猶恐失便。」有許多留餘處。以此進道愈精愈密，所知所行寧有限量？故曰：「君子。」

君子不盡

節

總是薄責于人之意。到盡與竭，則所全者少矣。常留有餘不盡之意，則所全者多矣。

禮曰：「君子。」

節

未祭而致其敬如此，當祭而儼如在之誠何如？道過而致其敬如此，在廟而凜對越之精何如？

齊者不樂

節

致齊則不樂不弔至祭則又樂以迎來辰以送往何也齊之所謂哀樂者以防外物為主祭之所謂哀樂者以齊內志為主也。

介冑則有

節

看戒慎二字戒慎者常存此心也容色皆自心體中流出。

刑不上大

節

不下不上註解不制最妙。

兵車不式

節

此結字當與結佩之結同只要與德字說得關切。

史載筆士

節

史有筆則人君惧後世之議不敢肆士有言則人君拔已成之法不敢忽

前有士師

節

士師乃軍旅之事示之以服猛者恐其潛而負我也武疑而誘我也不則邀而截我也是不可不備

行前朱鳥

節

王師之出本為一怒而安天下之民士卒以上者之怒為怒始能戰勝攻取所向有功故為旗物以振作其怒氣此所謂

未戰養其氣也。

進退有度

節

各司其局。總承上二句。各有主將以監領之。則左不混于右。而左之進退無失度。右不混于左。而右之進退無失度。

父之讐弗

節

凡此之類。皆宜隨事斟酌。平心自反。若夫公羊論九世之讐。則禮失于太過。而所報非所敵也。漢之時。孝子見讐而不敢復。則法失于太嚴。而孝弟之情無所伸矣。皆非曲禮之意也。乃今有忘父讐而不報。龐娥親之不如矣。復讐議正可參。

看。

四郊多壘

節

全重責人臣不能隨分盡職意。由此言之。則沃君心以修文德。治軍實以振武功。使萬邦協和。四夷來王。者卿大夫之所。以自免其辱也。闢地以蓄民物。校時以相農功。使百姓阜安。四民樂業者。士之所以自免其辱也。辱就自家心上說。在位無功。醜顏立朝。豈不可羞辱之甚。

龜爲卜筮

節

二所以是詳先王設卜筮之意。所以使民決嫌疑一句。又是

所以使民信時日一句之意。若不決不定。何以信而敬之。而畏之耶。故曰二句正是決與定處。

國君不乘

節

天子以德爲車。以樂爲御。而况奇袤不正之車。何以爲動容。卧旋之中也。

公事不私

節

事。天下國家之大。乃宗社臣民之利病係焉。所當集思廣益。開誠布公。而折衷于盈廷。會同夫輿論。事克有濟。若悲胸臆。以自便。謀近倖。爲得計。是私議也。烏乎可。

國君春田

節

此亦鈞而不綱。弋不射宿之意。

君天下曰

節

以其統御天下。臣民謂之曰天子。言父天母地。受曆數。顧明命。當思繼天立極。意自其朝諸侯。而分之以職。授之以政。任之以功。自稱曰予一人。見權有獨操。黜陟賞罰。惟所自。上而責攸萃。憂勤惕勵。無可他議意。

踐阼臨祭

節

曰孝王其有繼體守成。衍宗祀于靡窮。意曰嗣王其有主鬯。

承乾、永爲天地神明之主。意稱大王者。所以別于諸侯之祭也。加以有字者。又明其爲非常之舉也。

天子建天

節

王者奉天道以爲治。豈能獨運。故佐理則建天官。而天官又難獨任。故先六太以效其分理。彼六太者。莫不各治所司。以受成于天官。而還以靖之于天子。則天道之常典。無不舉矣。

天子之五

節

六大雖先。而五官弗脩。則率屬無人。何以見臂指相維之辨。自五官設。而各有統馭。則凡行之邦國者。天子責之五官。五

官責之五衆、彼五衆者、莫不各揚其職、以受質于五官而還以獻之天子、則事無曠而功有成矣。

天子之六

二節

六府二節、一是設府以藏物、爲天下備用、而非徒封殖之私、一是設工以成物、爲天下利用、而非尚人工之巧。

五官致貢

節

曰、享者、役志以事上、精白以承休、功罪不敢以自隱、而黜陟不敢以自專也。

五官之長

節

此伯卽王制分天下以爲左右之伯以兼統十內者

九州之長

節

此卽王制八州八伯以分統于外者

天子當依

節

觀取敬謹歛傷之意蓋入而與天子議奉行大道肅殺之令
在此觀故相見時先有一段嚴肅的意而元首股肱相臨之
分以辨朝取和氣充溫之意蓋入而與天子議奉行天道生
育之令在此朝故相見時先有一種溫厚的意而明主嘉賓
相親之情以洽

約信曰誓

節

春秋胡傳云。大道隱而家天下。然後有詰誓。忠信薄而人心疑。然後有誼盟。盟誓豈得已而用之。

天子穆穆

節

此主朝會時說。兩深和敬有四意。壯盛以下各有二意。樵樵只一意。隨分異容之中。亦各本于德之所從來。

爲人臣之

節

此卽儒行所謂陳言而伏。靜而正之。下弗知也。祖而翹之。又不急爲也之意。

子之事親

節

三諫肉有幾字意

儼人必於

節

儼不止形迹之比擬倫不止外貌之肖似原說得精細方注得之可從

問天子之

節

天子諸侯繼世而立故有問年之事古者五十始命為大夫故大夫以下問其子可也問天子國君之年問其臣故對之辭謹問大夫士庶之子問其父兄故對之辭謙

問國君之

節

數地以對。可見君之藏富于民矣。

天子祭天

節

天地功在生成。覆載四方。司氣有神。山川載物生財。五祀制度所本。先人吾身所自出。其祭之者。報功也。以漸而殺者。明分也。

凡祭有其

節

有其其字。指前人說。有字生于凡字。如云。凡諸祭中有一等。是前人已廢了的。後人莫敢舉也。此亦謂廢之當者。若廢的。

不是則又以舉之爲禮矣。下倣此。非其其字指主祭之人說。

凡祭宗廟

節

隨其物而美其號以祝于神。所謂外盡物也。而內盡志可知。若內志不盡而徒以美名侈外。豈仁人孝子享親之心乎。

○天子視不

節

疑問云。天子視不作視。天子解。天子端冕凝旒。其首與衿有若相聯屬者。稍一仰則上于衿。稍一俯則下于帶。天子穆穆敬其視。端方正直。而不至過爲俯仰也。諸侯皇皇。故其視較。天子稍俯焉。如執綬然。故曰綬視。大夫則又俯而平衡矣。士

又益俯而視五步之內。此何以故。凡視上于面則教云云。此天子國君大夫士之視。俯仰之間不可少踰其則也。上于面卽俗所謂仰臉朝天。非上他人之面也。此說亦通。今從之。

君命大夫

節

肄是預爲議論商確如學者之肄業然。四在字正。君命四言字正是肄。有居是位不敢以侵他事。治是事不敢以有他慮意。

輟朝而頤

節

凡非所治者皆異事。非所謀者皆異慮。

在朝言禮

節

禮者尊卑上下之等紀綱法度之施問對正是言處

凡摯天子

節

摯雖隨分而異其物然以重稱德而各有所取之意

檀弓

公儀仲子

節

檀弓之免與子游衰麻牡麻經同意。

曰仲子舍

節

文王舍長子微子舍嫡孫蓋以賢而不以適也。仲子之子賢乎哉。故夫子斷以立適孫蓋適則一一則不爭。庶則衆則必爭。故立適者萬世常行之道必其適不肖然後不得已而立賢此一。時義起之權。

事親有隱

節

至死猶言終身自少至老死而後已也

季武子成

節

成寢而夷人之墓其爲不仁不義無論矣然猶許其合葬猶命之哭此是武子良心未盡泯滅處若今人不顧其墓而平之必挾壓其子孫而遷之勢煽薰天虐及枯骨者又武子之罪人也可嘆可嘆余其有爲言之

道隆則從

節

道隆二句便是聖人達權作用所謂禮以時變也子思直欲守其常耳

孔子曰拜

節

順亦從哀中出、但先拜猶知禮賓、不若先稽顙爲自致其哀耳。

孔子哭子

節

按左傳子路結纓而死、原未有醢之之事。

子思曰喪

節

看二凡字、所謂誠信者、百凡事此心無所不盡、無所不用其情也。

喪三年以

不可過者禮無時有窮者心知終身之憂雖謂爲終身之喪可也。

穆公之母

節

先以人子之至情啟其衷次以君臣之大分維其體曾申亦善引君子當道矣。

使人辭於

節

此節與前節同

觀申生辭狐突之言臨死猶惓惓以宗社託伯氏念及吾君念及奚齊念及國家多故身後不了之事一担交與伯氏担着曰受賜而死言死亦死得瞑目也情辭何等悽惻千古猶

有生氣至今讀之可爲流涕論者獨惜其可言而不可逃而不逃知經而不知權可憐可憐

魯人有朝

節

此所謂雖加一日愈于已也夫子既抑子路又進魯人天理人情于此爲至

遂誅之

疊山曰魯莊之悔過悼亡旌善只在此遂誅之三字

童子曰革

節

這童子也不是等閒浼意思人疊山曰按符子易箠不可

爲天下後世之法。以論語啟手。啟足之言。參觀可見。曾子之
弘毅。君子見大守正。故愛人。顧名節。不顧便安。閑以終身之
體義。不恤一時之勞逸。似拂而實順。似責其所難。而實予之
以正。不因危急而遷就。不以生死爲變更。如此看。意方切密。

始死充充

節

孝子哀慟。惻怛之極。本無可形容。只此數語。字字號泣。愴然
欲絕矣。至慨然廓然處。雖哀有時漸減。更自不能爲情之
甚者。非孝子不能爲。是言非孝子亦不能讀。是言。

孟獻子禪

節

馬端臨曰孟獻子縣自是應作而不作耳故夫子曰加于人
一等非謂其不應作而應縣也

子路有姊

節

天下之禮苟徇其太過之情而爲禮則子路伯魚不知其所
終徇其不及之情而爲禮則原壤宰予不可以爲訓故禮者
通乎賢不肖而爲之不可過不可不及者也行道之人何知
有禮皆有不忍之心則惟行其心之所不忍而不知先王所
制之禮自有行不將去者

太公封於

節

樂所自生不亡其本。正是仁人而不仁如樂何。人而不仁如禮何。故卽用仁也二字結之。

子張病召

節

庶幾一言卽曾子知免之意。堂堂之張到此亦有戰戰之功矣。

曾子謂子

節

此章與先君子無所失道一節並觀之。可以知子思之中庸。

伯高之喪

節

攝作代行爲的。此與與五秉之意同。不誠者謂物非自己出。

也。

伯高死於

節

若以今人爲子貢。必以夫子此哭爲扯淡。必以來者行弔爲不祥矣。

子夏喪其

節

曾子這一哭。忽然又一怒。子夏這一拜。都情至義盡。不可手。今人朋友中求之矣。使民木有聞聲。由謂民無所稱頌也。而曰二字不開。而汝也。乃反詰之。謂女試自問。爾何無罪。此之甚深。按之甚嚴。只此二字。覺聲色俱厲。

高子臯之

節

此與曾子水漿不入于口者七日皆賢者過之之事。

孔子之衛

節

謝枋得曰。館人感夫子之弔而哀。夫子爲主人之哀而出涕。則宜有施惠。客行無他物。可以易之。故遂以騶爲賻。此非夫子不能一哀。是主人出涕。是夫子一句兩事。文字之妙。

孔子在衛

節

送親柩往葬。則如生時。父母出外。兒隨後攀號。不忍其去也。葬畢迎親之神而反。不知神來與否。疑其猶在葬所也。喪禮

以哀戚爲本。祭祀爲末。故夫子深善其得禮意。而欲人法之也。莊履祥曰。我未之能行。卽知我則不暇之意。

孔子蚤作

節

羅大經曰。吾郡劉邦彥中書家有古本禮記。梁木其壞之下。有則吾將安使五字。

子路曰吾

哀與敬正。禮之所在。徒飾繁文。則亦不謂之禮矣。

曾子弔於

節

此主人亦可謂善於周旋也。故有從者亦不俗。

從者又問

節

此箇從者的是曉人。卽此便見他學問有究竟處。今人那得如此問。

曾子襲裘

節

闕氏曰：曾子之襲裘，素習于禮樂也。子游之裼裘，守文者也。二者一時輩行俱聖門高弟，行禮猶有不同。後世愈難行矣。

子夏旣除

節

按子夏則言先王制禮本無過。我豈敢過。特餘哀未忘。故不私不成聲耳。子張言先王制禮本無不及。我豈敢不及。但辟

則漸用吉禮。故和而成聲耳。二子俱見大意。夫子予之以琴者。亦正欲以觀二子之樂也。山陰陸氏曰。師也。過商也不及。今其除喪如此。蓋學之之力也。

文子退反

節

子游與檀弓同意。而公儀仲子不如文子遠矣。文子亦可謂善補過者。

將軍文子

節

既除喪而遠方人來弔。禮中無此儀。註文子待之中禮。是自我作古也。故曰。公于禮者之禮也。其動也中。言以義起之而

中其節也

子柳之母

節

子柳可謂仁之至。義之盡。子碩猶然。世俗見識。班諸兄弟之貧者。亦猶與兩鄰里鄉黨之意。然在子柳所處之時。爲尤難。

君子曰謀

節

軍師既敗。難以復勝。故死其身。以我無決勝之策也。邦邑雖危。猶可復安。故亡其位。以我無計安之術也。

弁人有其

節

可傳可繼處。全在使人得以盡其自致之情。而又不過乎中。

正之則此先王制禮之所以善也

扶君卜人

節

古者之制婦官序于內僕人射人舉職于外故君有疾而扶之及薨而舉之嬪御閹豎不得與焉是以外庭之人疾則共知其疾薨則共知其薨使先君得正其終嗣君得正其始職此故也後世此禮不行往往篡弑廢立邪謀既定于內而外庭大臣尚未知覺卒之事幾危迫莫可誰何其爲國家禍患豈小小哉

喪具君子

節

恥具者嫌過爲身後慮也。若以人于言恥字說不夫。

孔子曰之

節

上不可爲言不忍下不可爲言無用神明之者在若可知若不可知之間而已。

有子問於

節

喪欲速貧二句大綱後面歷歷相照既曰非君子之言又曰有爲言之又曰爲桓司馬言之爲敬叔言之復括之曰吾固曰非夫子之言却又轉一語曰子何以知之一句生議論收前增許多精采一篇血脉自相聯貫。

曾子以子

節

先之申之亦只是量而後入之意非謀其可處之位也

今之大夫

節

縣子亦曾之賢大夫其議論默寓箴規大有傷時之意愛而哭之二句能令繆公愧心故不得不然之說到畏而哭處世道人情尤堪痛哭其哭諸縣氏者蓋畏之極也與哭伯高子賜氏不同

子思之母

節

再言吾何恤哉蓋財與時之外別無所謂禮雖欲恤之不能

分外加謹也。此與不使子上喪出母同意。

子游問喪

節

喪與其易也寧戚。此之謂也。

司士責告

節

子游之諾本是禮。但未憫先王而據以答之。故來縣子之譏。

孟獻子之

節

觀此質之畜馬。乘不察于雞豚之言。獻子亦當時大夫之最以廉著者。

子高曰吾

節

只此一言便是好風水說甚堪輿。

國子高曰

節

反者言其藏之意相反也。

孔子之喪

節

燕人亦是有意意思的。或亦當時之間人也。子夏之言亦有追思夫子之意。節此可見他篤信處。

魯哀公誄

節

以其死生歸怨于天。以其輔相失望于子。哀公亦可謂推尊吾夫子者矣。

季武子薨

節

此一節總是槩武子之爲人處。蓋武子執政人所尊畏。觀成
寢杜氏之葬一事。其常時威棱氣燄。必有以犯人之怒者。故
其疾也。矯固凶服入見。其死也。曾點倚門而歌。一是期其必
死。一是幸其已死。則武子生平人品。無間可知矣。謝疊山亦
云。士惟公門。脆齊衰一句。何等含蓄。矯固信有膽力。武子亦
無以罪。孔子曰。惟禮可以已之。以此突出曾點一句。正並著
二子節槩。皆不附權貴者。所謂勿視其巍巍然。此說甚爲得
之。

晉獻公之

節

謝枋得曰此篇文字更優于史記國語所載。閔和之譽曰舅犯知義。文公中禮。秦穆識善。

公子重耳

節

公子所對較之舅犯所言情辭更爲婉至。卽此便見他仗義執言處。此所以取威定霸而卒爲盟主也。

子顯以致

節

國語云再拜不稽首。不沒爲後也。沒貪也。下不沒字。比未爲後句意我更深。

喪禮哀戚

節

妙在一厭字。所謂禮者，因人情而爲之節文者也。

孔子謂爲

三節

按明器芻靈指衰時用生者之器。謂殷時爲俑，謂周時孔子獨善夏制，而以用祭器爲始于用殉，以爲俑爲始于用人。蓋明器鬼器也，祭器則人器矣。芻靈畧似人形，俑則太似人矣。

穆公問於

節

進人以禮，有爵當其德意，反加諸滕。看退人以禮，有黜當其罪意。反隊諸淵，看楚閻公辛曰：君討臣，誰敢讐之？則臣無讐。

君之義服亦可也。子思此論直欲警天下之爲暴君者。與孟子寇讐之論同人。臣之義當以鬪辛爲正。

吾三臣者

節

孟敬子不飾情以欺世。然亦敢于文過而遂非。

曾子曰國

節

示字有立教意。酌時以矯其弊。正行禮之微權也。

文伯之喪

節

十朋云。伯通死。子服弔之。出謂弟子曰。吾始以爲其人也。而今非也。向吾入而弔焉。有老者哭之如哭其子。少者哭之如

哭其母、彼其所以念之者、必有不斲言而言、不斲哭而哭、反是、遁天逆情、忘其所受、古者謂之遁天之刑、此論可與此章參看、

人喜則斯

節

人情自喜至舞、則樂以漸而極、自慍至踊、則哀以漸而極、使無以品節之、則其樂淫、其哀傷、故品節此哀樂之情、使舞蹈有數、喜所當喜、哀所當哀、而喜怒皆得其儕、則哀樂適中、可傳可繼、所謂有大福有禮、以樂之、有大事有禮、以哀之、是也。斯不謂之禮乎、品謂階級、有上下之別、節謂斷制、有多寡之

差。

吳侵陳斬

節

則謂之何者是挑其畏名之本心也。

太宰嚭曰

節

亦曰則謂之何者是發于好名之良心也所謂三代而下唯恐不好名也。

知悼子卒

節

杜簣妙甚亦諧甚。優孟優旃不是過也。卽比之方朔曼卿何以加焉。

爾飲何也

節

此一段又妙。是代平公解嘲。亦是自家占地步。

平公曰寡

節

平公亦是妙人。非杜預不能改平公之過于羣臣不言之際。非平公不能彰賈之善于百千萬世之久。一時君臣相與亦都俞吁咈之餘風。惜乎終于此而已矣。

君曰昔者

節

謚以尊名。節以壹惠。靈公于文子其庶幾焉。薛應旂曰賢哉文子。仲尼所以文之也。非以其能升僂也。受知于君而其子

猶不免焉。嗚呼！史鮒之言曰：子富而君貪，罪其及子乎？又曰：子能執臣禮，猶免于難，成也驕，其亡乎？文子卒，成累奔魯。

石駘仲卒

節

沐浴佩玉，句凡四用文，愈質而古。蓋溺于利而忘義，蔽于情而忘禮者，人謀之所不與，而鬼謀之所違。篤于義而不謀利，專于禮而不徇情者，人謀之所與，而鬼謀之所從。豈非天地自然之道，人事必然之理耶？龜之獨兆于祁子，其有知也哉。

子亢曰以

節

子亢度非可以口舌爭，故使二子身自爲殉。二子懼而自止。

西門豹止嫁河伯事略類此人能以人之疾痛疴痒反而切諸身則害人之事自息矣

子路曰傷

節

子路之傷貧其在食藜藿之食爲親負米百里之外之時乎抑在南遊于楚累茵而坐列鼎而食而爲是死事盡思之言乎

衛獻公出

節

市私恩而不合乎公義未爲賞功之典

衛有大史

節

施小惠而未得夫大道亦豈尊賢之至然以視今之有功不賞簡賢自棄者獻公亦未可少之也

陳乾昔寢

節

乾昔愚而可笑

般爾以人

節

則豈以下十六字爲一句句法道勁罵得更快

戰于郎公

節

此揭人遇魯之避齊師者而發此嘆使之句就辭役之煩說任乏句就秘歛之厚說二句總是下之人離心離德無親土

死○長○之○心○而○在○上○之○人○又○不○能○協○心○禦○難○作○率○斯○民○以○捍○衛○
君○國○其○爲○君○子○與○士○卒○無○有○能○謀○能○死○是○上○下○皆○離○畔○其○心○
志○無○惑○乎○避○齊○師○而○望○風○以○潰○者○道○相○望○也○口○氣○責○民○輕○責○
上○君○子○較○重○觀○二○雖○字○可○見○蓋○魯○之○微○弱○原○是○卿○大○夫○不○能○
謀○國○所○致○夫○子○久○已○心○傷○之○今○見○此○二○人○勇○于○赴○義○以○身○殉○
國○安○得○不○亟○與○之○

子路去魯

節

子路當日不知何以去顏淵之贈乃以哭于墓爲言實有挽
其轍而止之之意不則恐其有去而不返之意意其南遊于

楚時乎。

工尹商陽

節

二子不可謂忠于王事。夫子稱其有禮者。以殺人而無裨于國家成敗之數。不如節制其嗜殺之心。猶不失之窮兵而黷武也。

曾子曰黃

節

杞梁戰死于莒。其妻迎其柩于路而哭之哀。城爲之隳。而閭爲之崩。及執喪畢。遂赴淄水而死。薛方山曰。賢哉杞梁妻也。偉丈夫之忠貞。不是過矣。

莊公使人

節

寥寥數語。氣質金石。義薄雲天。更數千載而下。頓令其夫凜有生色。雖君命不能屈。

仕而未有

節

此廩人繼粟。庖人繼肉時也。人君處之以賓師之位。而弗收以之爲臣。故不曰賜而曰獻。將命不曰君而曰寡君。以其有賓主之道。無君臣之禮也。

孔子過泰

節

孫季昭示兒編。欲以子之哭也。壹爲句。亦不必從。苛政猛于

虎箴。規時政。皆痛切之言。柳子厚捕蛇者說。蓋本諸此。焚書云。昔日封使君化虎而食人。今日使君者冠裳而喫人。所謂猛于虎也。言之凜然。

魯人有周

節

哀公徒泥施應之迹。而不達敬信之原。故有此問。周豐全是欲哀公反求敬信之原。以禮義忠信誠懇感化之。不徒區區固結于形迹。如殷周所謂誓會也。未施是無心感孚。作是有心要結。禮義六字。只一真心盡之。

延陵季子

節

往觀延陵之葬。此夫子焉不學之一証也。

有司曰諸

節

易于二句。字法亦巧。曰易于雜則非。若非區分明是罵。

容居對曰

節

容居也只這樣對了。不肯失了自家門面而已。未知終行舍禮否。畢竟邪之有司辭嚴義正。註中責其不能終正當時之僭。果何以見之。

齊大饑黔

節

此不食與可食正禮義生死之關。餓者寧死不食。正是全禮。

義的去處。曾子說可食不是短。他不食。蓋云可食而終不食。正見餓夫之真心不變。特其節太苦耳。微與二字。摘訓謂惜其識量之褊小亦通。

邾婁定公

節

郁離子曰。刑威令也。其法至于殺而生人之道存焉。政德令也。其意在乎生而殺人之道存焉。弑父弑君之人。原非當赦。然曰君踰月而後舉爵。則用法之鑒與不得已之意。蓋並行不悖矣。

晉獻文子

節

三言於斯者。言於此至足。勿更爲也。蓋微諷其奢。文子覺其諷已。故言若得保此。它爲此三事。是免於刑戮。以從先大夫葬于九原。苟如是。是亦足矣。北面在堂禮也。稽首謝過。受諫頌者。美事而祝福禱者。祈福而免禍。若今人賀成室。才說一哭字。斷不喜。然室甫成而旋易其主。不則亦未必得卒正寢。乃知哭于斯。亦不是容易。

季孫之母

節

謝枋得曰。謂鄉者已告者。不敢止而以言下之也。辟之者。見兩賢相隨。益恭。故辟之也。降一等。降公位一等也。辟位降等。

皆所以敬賢。二子自是以賢德見禮敬。非盡衣冠之故。記人特欲明衣冠之行遠。此朱子語錄云。入到人家馬房。做了模樣進去出來。又做甚嘴臉。却不把二賢看低了。要知盡飾原不是區區外飾。曰之道。便是有威。可畏。有儀。可象。德容發越之盛。如夫子溫良恭儉讓一般。故得于觀感者。自起欽敬。若使所隸販豎。假饒衣冠齊楚。祇如傀儡登場耳。如何行得遠。

陽門之介

節

孔氏曰。子罕以貴哭賤。哀感民心。故知不可伐。微晉而已。非獨晉不能伐。天下舉不能伐也。故吳起吮一人之疽。而鄰莫

抗段頡裏一人之瘡。而西羌平。子罕哭一介夫。而晉不敢伐。蓋其忠實。心有以服人也。如此。金履祥曰。哭一介夫。尚足摧強晉之鋒。矧禮一賢人君子。其不係國之輕重也乎。魏文侯欲相段干木。日造館而請事焉。秦將攻魏。諫者曰。夫魏不可攻也。干木賢者也。而魏禮之。尚可以加兵乎。秦遂輟兵不行於乎。世主視賢人君子。反一介夫不若。安望其爲子罕之爲也。求如宋魏之不被兵難哉。

孔子之故

節

按原壤文王第十六子。原伯之後。其學蓋老氏之流。沐以治

也。夫子助之沐椁，親爲之執事也。託寄也。叩木作音而歌，故登木也。櫛木文米似狸之首，夫子執斧斤如女手，卷然柔弱，以此辭說仲尼也。子未可以已乎？勿更爲沐椁也。以上係堯山先生說親者二句。夫子周旋回護，亦自深遠，不止隱惡全交，仍有望其悔悟省改意。朱子論得却好。

趙文子與

節

君子以友鄉國，天下爲未足。又尚論古之人，此文子欲與叔向共論前賢臧否也。

其舅犯乎

節

舅犯生平。及河授壁一事。遂爲定案。

我則隨武

節

不避國難。是利君。卒能保身。是不忘身。爵祿光顯。是謀身。任
舉賢才。是不遺友。蓋利君易至。忘身謀身。又易至。遺友利君
仁也。不忘身。又不失爲知。是賢于處父矣。謀身知也。不遺友
又不失爲仁。是賢于舅犯矣。此武子願歸之。知人。一知處父
舅犯之不知不仁。一知武子之知仁。

文子其中

節

觀此。可見文子修身以預知人之本。

所舉於晉

節

壘山曰管車之士府史以下賤而難知文子于其中拔用者七十餘家家者以爲大夫也不交不謁皆指所舉之士言夫文子持身謙默則不并植而有謀身不忌身之智薦賢廉潔則不貪利而有利君不遺友之仁亦庶幾隨武子而又何羨乎九原之賢哉然成室不免張老之戒樂奏肆夏自文子始終不能無奢僭之失耳

成人有其

節

不曰成人爲子臯衰亦不曰子臯使之衰而直曰子臯爲之

衰乃世之之離歸衰于子臯正以諷成人之涼涼也而子臯之德化言外自見仲尼相而無飲羊縱妻之民楊綰相而有減膳省樂之效風化之機惟上人有以轉移之可耳

樂正子春

節

毀形滅性則有情而不得用故悔之然五日不食比之水漿不入于口者七日此弟子之不及先生處

徙市則奚

節

陳氏謂徙市所以助發陰中之陽與周官皇舞女巫同意此說都不見緊切蓋國有大喪則憂戚罷市今視旱如喪正以

雨澤不降五穀不登民無以爲命此與君喪而百姓皇皇無
主何以異故以此自貶責視桑林之禱六事責躬者同此意
也故縣子可之

王制

王者之制

二節

制有度德量功。經畫盡善意。此節列國之君。爵制通于天下。
次節列國之臣。爵制通于國中。

天子之田

節

此節列國之君。祿制通于天下。方千里方字要明。蓋以開方
之圖計之。東五百里西五百里。東西相距千里。南北亦然。直
千里橫亦千里。故曰四方皆千里。

天子之三

節

此節天子之臣祿制施于畿內。所以內必視外者。蓋先王之制。出則爲列國之君入。則爲王朝之臣。受田相視。內外齊一。所以制天下偏重之患也。

制農田百

節

以下三節諸侯之臣祿制施于列國。從農田說到庶人在官。只要引起下兩節耳。蓋卿大夫士之祿亦皆自農田而推廣之也。

諸侯之下

節

前言百里七十里五十里。合君臣之祿皆在內。此則就其國

中。細。分。君。臣。之。祿。之。多。寡。也。故。三。箇。君。十。卿。祿。與。前。不。爲。重。複。

次國之上

節

全。重。命。異。故。位。異。士。之。命。同。故。位。同。先。王。見。得。諸。侯。敢。于。越。大。小。之。次。而。侵。陵。元。犯。者。皆。卿。大。夫。謀。國。不。識。大。小。等。威。徒。知。尊。崇。其。名。不。能。以。禮。法。正。其。君。也。所。以。並。會。之。時。必。須。于。諸。臣。中。定。他。箇。上。中。下。的。班。次。使。他。知。有。箇。等。級。自。能。道。其。君。以。大。恤。小。小。事。大。之。禮。有。箇。先。折。服。他。不。恭。的。意。思。在。

凡四海之

節

畿外建國之制八州猶一州之所容。封國多而餘地少。廣封建之制于天下。意按州方千里。安能建得許多國。此是二倍開方之法。與上方字不同。一區中四面皆百里。以開方倍計之。其實一區皆千里。則是百區。乃十萬里也。

天子之縣

節

此節是畿內建國之制。在頒邑食采上。看封國少而餘地多。係采邑之分。于王朝意。朱子曰。恐只是諸儒做箇如此笑法。其實不然。且當時泰山屬魯。牛山屬齊。名山大澤何嘗不以封。况天下山澤多。而必取平原曠野之地。爲百里七十里五

十里則當時之爲國能幾何哉。

凡九州千

節

先王分州建國有一定之數。又有不盡之數。所以公天下而不私也。

天子百里

節

百里千里只大槩說箇遠近要活看。

千里之外

節

方伯下而分統乎八州。則大小相維而無渙散之弊。上而見統于二伯。則內外相制而無恣肆之虞。

千里之內

節

舉故遠最近。貢有厚薄之差。朝有疏數之期。

天子三公

節

此是建官以治千里之內。其數簡者。總其綱。其職備者。理其

大國三卿

節

此是建官以治千里之外。或命。或半命。或不命。皆控制大國。優假大小之意。前言上大夫卿。是上大夫卽爲卿。此專言下大夫。是卿卽爲上大夫。

天子使其

節

方伯雖屬于天子之老二人矣。先王又慮其或肆于外。而二人處內。遠不與聞也。復以大夫往監之。其數則每國三人。蓋一人或勢之孤。而不能周遍。二人或見之偏。而不無異同。三人則更相贊助。更相可否。有愾謀之益。而無私擅之權矣。方伯權重。則易專。大夫位卑。不敢肆。此又大小相維。內外相統之微意也。

天子之縣

節

世祿而不世官。所以選賢。世爵而不但世祿。所以報功。

制三公一

節

一命卷。若有加則賜也。通是假設之辭。總見三公不得服卷耳。蓋德雖有餘。眷雖無窮。而制則有限也。不過正是制處。

次國之君

節

言命而服可知。三不過皆制也。

凡官民材

節

庶民之材。教于鄉學。有可選爲士。足以官使者。司徒試用之。故曰官民材。工夫全在一諭字。論得仔細。則德行才能優劣一定。可使何事。可爵何官。可食何祿。俱有定案了。然後使之。

爵之祿之漸漸加去。不是做一節。方加一節。三然後卒。總見
慎重。如不得已之心。士爲公論所出。朝爲多士所集。于此爵
之見。非一己之私好也。

諸侯之於

節

諸侯受封在外。天子建極在內。使彼此不相間閤。則君臣之
間。睽隔甚矣。何以見明良交泰之感。故制爲朝聘之禮。所以
致臣節于天子。制爲巡狩之禮。所以宣上德于諸侯。

命太師陳

節

不徒觀民風之厚薄。民情之奢儉。因是而知諸侯之政化。可

以爲慶讓之本而移風平情在此一舉

命典禮考

節

日考日定日同日正皆有齊其不一以歸于一之意天子平日校時定制頒行列國今因巡狩所至恐其奉行于列國者或有異于王朝也

有功德於

節

善民之風俗平民之好惡奉天道而時日月皆順遵王制而律禮樂制度衣服之皆同外則敬于山川神祇內則孝于宗廟此爲賢君爲治國而有功德于民者

五月南巡

節

天時不備則化育偏王澤不通則恩威壅故因時巡狩必遍如此

天子將出

節

出則告違亦敬天法祖之意其或巡行有不當者天地祖宗其共鑒之

天子無事

節

禮刑出自天子昔嘗愛之以肅其國平日已是考正的至來朝時此心兢兢業業唯恐有違僭偏枉處故又考之正之此

正是精白承休心無二三處。考正正是一德。使心懷二三。如何能考正。但考正是奉法于外。是尊君。的節目。德是純心于內。是尊君的根本。以字要有。

天子賜諸

節

德盛而教尊。五穀時熟。然後賜之以樂。分有等差。故將命之器有大小。寵異之中而有等威之辨。

諸侯賜弓

節

征伐出自天子。惟辟作威也。

賜圭瓚然

節

已賜而爲孝也。而實顯其忠。未賜而資忠也。而實成其孝。

天子命之

節

王者建國君民。教學爲先。故立諸侯。卽命之教。非如弓矢圭
璜。可次第而賜也。諸侯選士。由內以升之。于外。故小學在內。
大學在外。辟雍相形。說重諸侯邊。

天子將出

節

受命者。聲罪致討。祖宗靈爽。實式憑之。受成者。折簡傳其。二
三多士。夾勝算焉。其出征也。豈苟焉而已耶。

出征執有

節

于文德之地告武功之成正以明用武以文任威以德而已

天子諸侯

節

四條總是田獵之禮。一爲字讀去聲。蓋先王爲祭祀賓客不得已而取禽獸。然對時育物之心。生意未嘗不益流于其中。如合圍掩羣及取之非時。用之無制。其心有慙然不自安者。故此章于田不以禮。口恭天物。以下獨加詳焉。又要知出征之後。即說田獵一事。田獵亦閒習軍旅之善物也。

冢宰制國

節

三箇制國用皆虛說。直到量入爲出方是制國用之實。大小

是一定的。故直曰用豐耗是或然之數。故必曰視用字視字。總是要起下文以字以三十一年經久通融之法制國用而量其地與年之入以爲來歲之出焉。蓋此法在每歲則爲每歲之用。歲復一歲則爲三十年之通矣。出入而出是國用曰量曰爲正所以制之也。全重經費上不重積貯上。

祭用數之

節

此言祭乃制用中之一事。總計三分所用之數。又析爲十分而用其一以行常祭之禮。十一之數有常則夫不至沒禮而非不至廢禮矣。

喪祭用不

節

此正所謂祭用數之飭也。豐年則用豐年之飭。何至于吝。凶年則用凶年之飭。何至于儉。不吝不儉。正是活法。註反誤認作一定之則了。

國無九年

節

首三句反言以見國不可無積蓄以備民用。曰不足曰急曰國非其國。都要說到民上。方與下民無菜色句應。三十年之通與上節稍別。上就所用三分者而言。此則就所餘一分者而言。蓋三十年而有十年之積。則處常以下之所入者收蓄。

于上遇變以上之所積者流布于下故天不能使之災地不能使之窮也。

天子七廟

節

廟數因分爲多寡積厚者流澤遠積薄者流澤促

天子諸侯

節

祭之時同報本反始之心同也曰春夏秋冬則不疏不數而合乎天時曰禘禘蒸嘗則或隆或殺而設于地則

天子祭天

節

視字雖以牢豆之數言亦要知五嶽奠安斯世之功膺之三

公之坐鎮四瀆潤澤生民之功猶之諸侯之承流。

天子牲初

節

自主之各食于本廟曰牲。自主之令食于太廟曰祫。天子分尊禮降故每歲四時皆祭而每歲三時皆祫。次節言諸侯因朝而缺其一非若天子四時皆祭重玉事也。三節言諸侯因分而殺其一非若天子三時皆祫守節節也。

天子社稷

節

大夫士之廟祭功德著而賜圭田則上擬于君而爲初禘蒸嘗之祭不爲越分無則下同于庶人而爲四時之薦不爲節。

親。

庶羞不踰

節

禹之非飲食而致孝乎鬼神。惡衣服而致美乎黻冕。不踰之謂也。

古者公用

節

以下數節俱見王者之制。處曰古者以見今之不然也。

司空執度

節

山川沮澤是地。地既不同而四時之氣亦因之。于是時其四時。因天之氣以相其地之所宜。而量地遠近既定。然

後興舉其事而任民力以成之。正所謂執度度地居民也。

凡使民任

節

就一人言。正形容先王寬厚處。凡字所指甚廣。不特與居民之事爲然。

凡居民利

節

此節文法錯綜。須倒翻解方明白。蓋一廣谷大川。自大地乘其氣。則爲寒煖燥濕。自人乘其氣。則爲剛柔輕重。連連而五味器。抵衣服。正所謂異俗也。修其教。齊其政。裁成補相。左右斯民。正所謂居也。兩不易。正所謂則也。

中國戎夷

節

性。凡。就。氣。稟。說。爲。是。不。可。推。移。是。言。其。氣。稟。之。不。齊。卽。此。節。所。謂。異。齊。也。次。節。方。言。其。習。俗。之。異。尚。惟。性。不。可。移。是。以。其。俗。各。異。

中國夷蠻

節

此。節。承。上。作。過。言。俗。雖。不。同。而。隨。地。資。生。亦。無。不。足。故。曰。皆。有。云。云。只。要。起。下。言。語。不。通。二。句。耳。

五方之民

節

前。後。雖。兩。言。五。方。之。民。只。重。四。夷。但。以。中。國。主。之。耳。先。王。居。

民于中國則惟修其教齊其政而見化導之有方居民于四夷則惟達其志通其欲而見羈縻之有法必欲強而易焉無乃以居之者反以擾之乎總見他必因之妙設官名雖不一何莫而非達其志通其欲耶

凡居民量

節

兩地字不同量地是方欲制邑之地度地又是邑中之地制邑不因地或近而病于湫隘或遠而病于曠野居民不因邑或廣而地有遺利或狹而民有遺力皆不相得矣司空居民得法全在丁量字

無曠土無

節

度地居民則無虛曠之土。每夫受田亦無游惰之民。二句頂參相得來。食節頂無游民。事時頂無曠土。安居又頂食節。事時正與上凡居民相應。言向之所以居民而欲使之安者。今咸安其居矣。由是趨事而樂勸其成功。無惜力者。知君當尊知上可親。無愛其情者。良心興起。庠序可申。而學于是乎興矣。

言徒脩六

節

不曰節民情曰性者。性情所從出也。民德曰興。見此德乃人

所固有的特以是教興起之而使鼓舞于不倦衣服器械等項不立政以爲之防便多僻擬放濫之失故曰防民生雖異俗而道德只一箇修六禮明七教齊八政似有許多款項許多條件然總是將此道德之一者一民之不一使其俗歸于大同耳修是整飭而不墜明是昭揭而不昧齊是限制而不紊一則一定而不易也前云不易其俗此云同俗何也不易者不強易之也不強易而以道德之一者一之俗自歸于大同是不易之所謂同也全德性而邪淫日遠修道德而仁孝克敦所謂賢而有德者上之斯崇之矣反是則爲不肖而惡

者。簡之斯繼之矣。所謂興學以教民取士者如此。

命鄉簡不

節

上功。上齒。閭以禮教之。文俊士執事。諺以禮事之。然使彼有所勸勉而激勵意。

不變命國

節

比三年考校之時。

不變移之

節

此五年七年九年考校之時。必遲之。九年需之。四不變者。寬其自新之候。不重絕其向上之路也。

升於司徒

節

才德之湮廢多起于肄業之不專。人材之成就常由于長育之有法。若既升之而復征則往役且不暇矣。暇深造故隨在而養之則庶務無以雜其念而日就其德于高明。力役無以分其心而日達其才于光大矣。

樂正崇四

節

順正所以崇之立之春秋二句又正所謂顯也順字深不從容異入之意

王太子王

節

國子民後或有統理天下之責或有佐理天下之責教之不可不豫也故皆造于樂正以齒所以習其敬讓之心他日不驕不倍皆根于此

將出學小

節

此國學簡不肯以細惡之事下一節上賢以崇德之事

大樂正論

節

論士在于樂正而入仕掌于司馬故既達其人于天子即升其人于司馬也進者自外之內自下之上而致君澤民從茲始也

司馬辨論

節

既爲進士、無復不賢者間之故、只論說其才德優于某事、堪爲某官也。此已無不定者。但未經一人之決斷、猶有可上可下者。定論于王、示不敢自專也。官有大小、爵有崇卑、祿有厚薄、皆因才德之高下而爲之。都從定其論中來也。此是命爲朝廷之官、與司徒官民材不同。

有發則命

節

要得文武相濟意。

凡執技論

節

適四方乃假設之辭。言平居無事則已。時或適四方云云。亦不嫌其爲粗猛也。惟論力故不復修揖遜雍容之度矣。

司寇正刑

節

既聽之而又三刺不敢執已見也。三刺之後而有不聽不敢廢公論也不聽之後而有附赦不欲其輕犯也。從重從輕只一意顛倒言之耳。卽察大小之比句意也。要言云入之輕辟以爲懲惡之戒。出之重罪以開遷善之門。使人易避而難犯。最爲得之。

凡制五刑

節

天道福善禍淫。栽培傾覆。一公而已。斷刑者必體之。而使罰
與事相附麗。正所謂卽天倫也。二句一氣說。

凡聽五刑

節

凡聽訟者。把這兩件大倫理來做箇斷案。或有因父子君臣
而犯法者。或有悖父子君臣而犯法者。以此較勘。若權之稱
物而低昂得其宜也。蓋權者。出入變化。妙用在心。不違律例。
亦不拘律例。法律是死的。要圓活的人心去變化他。故曰權
也。權之何如。意論二句是已。猶以爲權之法未盡也。故又悉
其聰明云云。悉其致其正意論。慎測之妙處。再加這一番工。

夫輕重淺深庶乎盡得其情而無遺也。權之之法于是乎始爲盡矣。其之赦之成之俱爲疑獄而設疑而赦之。旣不失于濫刑赦而又察比以成之亦不至于廢法。這也是權處。

成獄辭史

節

三聽字皆主覆審說。乃已成之辭。無所疑者。自下而上。咸無異辭。而猶不遽刑。正哀矜勿喜之心。慎之至也。棘赤心而外刺。聽于其下。欲司寇內輸忠赤。而外示威嚴。與參字內有參伍斟酌反覆推鞠意。

凡作刑罰

節

無赦則民不敢輕犯法。盡心則吏不敢濫用刑。輕無赦以立法言正。爲盡心張本。不可作兩意解。蓋制刑以嚴爲主。則用刑可不盡心乎。

刑者例也

節

例也三句。遞說下去。如此兩解。方盡刑字之義。只要透出箇成字。以起下文耳。盡心如何。卽前卽天倫權之別之盡心等。是已。歐陽公曰。求其生而不得。則死者與我俱無憾也。此方是君子之盡心者。

作淫聲異

節

堅辨博澤四字。正是可惡處。看來亦非等閒人能之。意必才大而機深。其爲小人之反中庸。小人而無忌憚者乎。鄉愿德之賊。亦庶足以當之。

凡執禁以

節

聖王制刑以懲惡。又設禁以妨奸。禁于未然。則必不至陷于刑辟矣。故因論刑並及之下五節。正執禁以齊衆之實。

關執禁以

節

議比禁字。又謹密此識。比譏字。又精嚴此總。是要齊其不齊意。

太史典禮

節

二者奉行雖出自臣下而吾因之以禮度修明儀節無愆是亦臣下所啓迪而納牖者安得不肅敬以承之。

司會以茂

節

須知司會三官質成皆是專達天子但達于天子時先達之冢宰與三大臣冢宰與三大臣皆齊戒受者以天工天職所在不敢忽也且考正之而當冢宰三卿亦與有榮否則非徒司會三官任其責而冢宰三卿亦不得辭其咎又焉得不慎重其事也。

百官各以

節

上二齊戒受下之質此節齊戒受上之質以百官之成質于天子者自司會及百官皆質于天子也百官兼冢宰三官三大臣俱在內齊戒以受者黜陟賞罰惟君所命也成歲事指今歲制國用指來歲

凡養老

承上文休老而推廣言之

有虞氏以

三節

以燕享對食則燕享以酒為主食以食為主以燕對享則燕

以恩為主。以禮爲主。

周人修而

節

修有損其太過。益其不及之意。

五十始衰

節

九十則爵齒德俱尊。國典民情。諳練已熟。故有問則就室珍。從不敢以臣禮加之也。

五十不從

節

晝作而暮息。一日之理也。三時作而冬息。一歲之理也。少壯作而老息。一世之理也。先王知其理如此。故爲之禮以息之。

有虞氏養

節

學爲明倫之地故養老之禮行于學國老庶老皆養之者恩也分之于大學小學者義也

周人寃而

節

周之寃與玄衣亦修而兼用之者也

八十者一

節

升戶校年之令其此之謂乎

少而無父

節

自養老而外又有此一等常備器食總見聖王胞民與物之

懷曲成不遺之仁。欲天下無一夫不獲其所。無一物不遂其生。心始大快也。

父之齒隨

節

隨行鴈行。又何相踰之有。

輕任并重

節

任并任分。又何提挈之有。

君子耆老

節

註皆好德與不失職二句相足說。使有德者未必有位。有位者未必有德。德位不全。未必有命車之賜。安能致仕而歸不。

徒行也。此數節總是聖世風俗淳美如此。孰非王者之化。有以致之。

自恒山至

節

自北而南以直計三千里。自東而西以橫計亦三千里。定遠近以爲朝貢疏數之節。此先王分服治內之法。四不盡言。以流沙等爲界限。其地亦不盡于此。非說流沙之外。猶有不盡之地也。不勞中國以有事外夷。此先王分服治外之法。

凡四海之

節

周衰暴君汚吏慢其經界而井田之制已壞。諸侯惡其害已。

也皆去其籍而班爵祿之制不詳至秦開阡陌制郡縣古法掃地盡矣又當坑焚灰冷之餘斷簡殘編所存寧幾何哉漢文令博士雜取傳記作爲是篇其間儘有自相矛盾處今必欲一一詳註而分解之不幾化詩家算博士點鬼簿之誹耶不妨闕之可也

天子之大

節

此中言三監爵祿之制天子之大夫受田視子男今降而視諸侯之卿非薄之也以方伯地少祿重則不能供其地所出不得不殺耳王朝之大夫本五命今上而視次國之君七命

非寵之也。以方伯權重。爵卑則不能制。奉揚王命。不得不隆耳。

方伯爲朝

節

皆有字從八伯生。

諸侯世子

節

使以德。爵以功。是解世國與不世爵之故。世子未賜爵。不得擅世其國。諸侯之大夫。並不得世其祿。正見使以德。爵以功也。

六禮冠昏

節

此申言六禮七教八政之目。修者修之此而已。明者明之此而已。齊者齊之此而已。

月令

孟春之月

文獻志陳櫟中星考云。占天者。于節氣初昏之時。候某星中于正午之位。以審作曆之差否。蓋以王者南面聽治。視時所以授事。而治曆必先明時故也。然中星無刻無之。特白日不見。他時無準。惟于節氣初昏之時。候之正午。爲便爾。堯典候中星之法。歷一月而中星移次。歷三月而中星移方。故堯典惟舉四仲初昏之中星。月令則十二月俱舉之。堯典惟求之初昏。月令則併求之旦。而必考日行所在。以見中星去日遠。

近之度焉。而日之所在。或舉月初。或舉月末。中星又或舉朔
氣。或舉中氣。皆據大略言之。亦可互見也。朱子嘗曰。天無體。
以二十八宿便是天體。以是中星之轉移。卽天體之轉移。
此熊朋來曰。太陽行度與昏旦中星皆以中氣過後言之。堯
典月令皆然。若專指一星。而謂此一月專在是星。則固矣。俗
儒謂堯典中星與月令差。又謂月令中星與今逐月中星復
差。初不思中氣有淺深。中星有推移。執月令每月所指三星。
而謂是月專在是星。宜其不合矣。愚按太陽以逐月中氣後
移一辰。自有定法。如昏旦中星。只當以月建對衝昏旦互求。

之孟春昏中之星卽孟秋旦中之星孟夏旦中之星卽孟冬
昏中之星不可拘一月一星傳曰火中寒暑乃退六月初昏
心星中而暑退十二月平旦心星中而寒退此卽求昏旦中
星之捷法也後學不諳曆術章句之儒又以天文迂遠而不
可信此等處遂至日用不知失其傳也亦已久矣

東風解凍

節

蟄蟲始振在東風解凍之下仲春言始雨水則雨水爲二月
節疏云漢時以驚蟄爲正月中雨水爲二月節劉歆作三統
曆改雨水爲正月中驚蟄爲二月節祝子經亦云驚蟄本在

雨水之前考工記註月鼓以啟蟄之日曰孟春中氣也唐一行改在雨水之後周禮考工記註啓蟄正月申太玄卦氣亦以驚蟄在雨水前舊圖于雨水下注云律夾鍾今雨水在驚蟄前未知劉歆所改抑亦一行所改果何見而云然也篇中如候氣之法其詳不可得而考四時之食其義不可得而知未易強解亦難臆說偶拈此一段以見今人之學不如古人事事精詳亦以見漢儒之書祿出衆人間多附會也

是月也以

節

德貴宣利故曰布令貴無乖故曰和行慶施惠二句正其事

也慶字承行慶來賜字承施惠來曰下及則博而易失之壅滯故又欲遂行曰遂行又恐速而易失之差錯故又戒不當總如陽春之播蕩無一物不沾被其濡澤也

乃命太史

節

典法卽司天之典法也自其大而有常謂之典自其詳而有變謂之法下初字卽指典法以之爲常正所以守而奉之也王者奉若天道莫先于敬授人時故于孟春首命之

是月也天

節

祈穀開斯民足食之源也全重親載躬耕上

是月也天

節

王命是統命羣臣命田舍方是專其責于田畯下皆布農事
裡面事。

是月也不

節

稱兵必有天殃是不可之故。從我始。又解稱兵變天道三句。
又解天殃春爲生氣之盛在天爲生道在地爲生理在人爲
生紀變之絕之亂之卽殃也。

擇元日命

節

成羣立社曰置社。則民固有社不命不敢擅祭。

命有司省

節

刑陰事。故不居于陽氣發動之時。

是月也玄

節

天命玄鳥降而生商。想當取義于此。弓矢以射。男。子。所。有。事。帶。以。弓。鞬。者。示。其。有。能。受。之。資。也。授。以。弓。矢。者。予。之。以。所。求。之。祥。也。

日夜分則

節

全是因時行政。齊人事之不中者。以歸于中意。

天子乃鮮

節

節宜陰陽之氣亦輔相調燮之一事

是月也生

節

畢出盡達正是方盛發壯處布德行惠正是不內處命有司
以下正是布德行惠處

百工咸理

節

此老氏所謂不見可欲使心不亂也

是月之末

節

孟春已習舞仲春又習舞習樂故至此大合之君臣同聽所
以習其和敬之心

命國難九

節

陰慝或為陽害則春氣不得其終故曰畢春氣

命太尉贊

節

行爵二句正所謂贊也遂也舉也

命野虞出

二節

王者知農事不可緩故當夏耘之時而叮嚀申飭如此此時一失則春作皆徒勞而秋成何所望

斷薄刑決

節

天氣始炎恐罪人之禁于國扉者或以鬱蒸而生疾故有此

令

蠶事畢后

節

如一正是均處。

是月也天

節

東作既畢。蠶事告成。天子乃與羣臣燕飲。前所習合之禮樂。今遂用之以鳴其盛也。

命有司爲

節

是月陽氣盛而多旱。故有雩祀之禮。用盛樂者。聲音號詔。上徹雲霄。庶幾天之愍格也。

乃命百縣

節

水旱不時則秀而不實故雩祀以祈之

游牝別羣

節

此是養馬之政令。季秋乃乘馬之政令。

是月也日

節

湯平子欲以死生作陰陽之死生看。謂六陽方極之際伏一陰萌動之機。所謂絕處逢生也。亦自有見。

君子齊戒

節

齊戒掩身毋躁。一。串下飲食男女聲色貨利皆從躁之一字。

先故舉聲色滋味言之。然猶懼其未盡也。又益者欲二字止。聲色薄滋味而又節諸者。欲心氣可定矣。心氣定則形氣自然不爭。雖陰陽之爭。死生之分。自可保全無虞者。躁字與定字正相對。毋躁則常定。定則不爭。新裁云。心氣不可分爲定。心卽以養氣。定氣卽以平心。還重心爲主。所以工夫亦從齊戒爲本。定心只是安穩保全。苦心本來這段清明之氣。這就是養氣工夫。

百官靜事

節

陰靜故曰晏靜事。則不去撓亂他。便是安定。晏陰不逆其安。

靜之性此時陰柔初生雖未成而循序而往不爲災咎這便是陰之所成

是月也母

節

用火如出火爲焚之類

可以居高

節

四可以字只論時所宜居非人實居之也下二句正上二句之實

季夏之月

節

鄭樵中星辨曰中星之說有二堯典四仲迭建之星以午爲

中故言日永星火以正仲夏月令昏旦之星以未爲中故言
季夏昏火中大抵巳午未皆南方則以午爲中辰巳午未申
酉戌爲火見伏之始終則以未爲中堯典舉四時之正而言
之月令舉十二時之中而言之所以不同

溫風始至

節

物得氣之先涼風未至而鳴陰之物已居乎壁迎涼風之微
也殺氣未肅而鷙猛之鳥已習于擊迎殺氣之微也

是月也命

節

合秩芻以養犧牲正是令民咸出其力祈福不過祈民居之

安民食之足爲字作去聲讀言合言養皆豫備事尚未舉祭也爲民祈福亦尚未祈是抵其意蓋爲此耳

是月也命

節

順文明之時故染文明之色盡法正所以辨分也間色惡其雜而易亂故曰無差貸單色欲其純而有辨故曰無詐僞法故則質良矣等給給字當爲級

不可以興

節

通節只以挫氣爲主蓋萬物作于春而氣主生長于夏而氣主養故曰養氣長養之氣原自發散散出一動搖則發洩

無餘何以爲後來生成之本。神農之事正所以盡力于稼穡而培植此養氣者。三不可字。此以時言。一母字。方者大君說舉大事。卽上三件。此已足。提養氣沈一舉大事。則先必發令而待妨之。所以播之矣。持功持字。止與搖字緊應。此月既爲水潦盛昌之月。一不持則飄蕩渙散。而農事何所成功。惟其將持功。故不可妨其事。而使養氣有動搖之虞也。

是月也土

師

殺草之法不行。所以農夫糞其田而不足。行水從大計。似水然。湯從土潤。付來糞。是培土。豈而滋地力。美是轉磽瘠而爲

沃壤。

中央土

五行之氣獨不迎土者以其在中非自外至也。

其音宮律

節

土於四時無定位固不必調樂以爲之主但取象以爲之配則宮音爲蓋五音非宮無以統衆音之條理猶之五行非土無以成萬物之始終土于十二月無專氣固不必候氣以爲之管但取象以爲之配則黃鍾之宮爲蓋律非黃鍾之宮無以爲衆音之根本猶之氣非土無以爲四時之權輿

其祀中雷

節

四時皆先祭其所勝。此獨先心者。土能生物。故貴其相資而
不貴其相克與。

是月也以

節

簡練比選厲。又加精嚴。專任比簡練。又如親信。有功之人而
任之不專。則疑貳。生于其間。智者必不能盡其謀。勇者必不
肯竭其力。單以不義爲言者。天地間之正氣爲義氣。人間的
正直爲義人。秋時天地方以義正萬物。而王者可令不義之
人橫行于天下乎。征之正以扶生人之義理。卽以扶上天之

義氣暴慢乃不義之大者。如卽樂俊有功惡卽不義暴慢。

是月也命

節

命有司如彼其嚴而命理又如此其寬者何哉。蓋天地始肅則陰氣將盛矣。故不可使之羸也。若嚴而不寬則陰道本不足而縮。吾乃助之使有餘而羸。豈扶陽抑陰之道哉。

是月也農

節

教民收歛。承登穀來。防水患于外。固民居于內。皆仰收歛而廣其備也。

乃命司服

節

必循其故正所謂具飭也。

乃命有司

節

前已有嚴斷刑之命故此又申嚴之。

是月也乃

節

中夏以上命官巡牲之法五者二句命官巡牲之意。脩是五者具舉無遺。當是各舉一物件。作恰妖妖。脩當乃外心之敬。而內心之誠可知其者乃。未事而逆料之辭。言上帝之尊而難格。今如此盡志盡物。或者庶幾其享之矣。言上帝而祖考可知。

是月也可

節

前已有修宮室之命。此曰築。曰建者。創始爲之也。看可以字。

乃命有司

節

完其備而後可收歛。故于是命促之。已成者既使之收歛。而將來者又早爲之勸戒。無非欲前民用而使之無不足耳。

是月也易

節

此節以易關市爲主。來商旅三句。乃易關市的主意。觀便民事處下一以字可見。至來集皆至。則商旅無不來。貨賈無不納。財不匱乏。而民事亦不便者乎。曰不匱。不惟下之民使而

亦自無乏用。百事亦自然皆遂。蓋財原上下之所通。豈有
商賈皆欲藏于王之市。行旅皆欲出于王之途。而上猶乏用
者乎。中唐來百工則財用足。此云來商旅則上無乏用。意正
相通。不必說貢賦。

凡舉大事

節

事者王政之所舉。數者天秩之所運。類者天人相觸之機。時
卽大數。類卽大事。上二句反說。下二句正說。順其時則能從
其類矣。慎因其類則不逆大數矣。

是月也申

節

孟秋命百官始收歛。仲秋趣民收歛。至此又申嚴之務。內字正與季春不可以內。內字相應。玩無不字。則丁寧。凡事皆當收歛。不專以財。用言天地閉藏。而吾所爲發散。便兩不相會。凡事收歛。無或宜洩。則無所不藏。與天地閉藏之氣兩相會合。凝聚矣。

乃命冢宰

節

冢宰制國用。必于歲之杪。季秋爲西成之候。亦可舉其大要矣。故有是命。分國用。祀典平看。祇敬必飭者。戒諭之辭。言外謹其事。內一其心。皆當致其力。而無使有幾微毫髮之不盡。

也。

是月也霜

節

百工不作農工看即前百工成理之百工也霜降之時自當
休息而報罷然有不可以已者或半上落下又命入室以卒
其業避寒氣亦所以節勞逸也。

上丁命樂

節

爲季冬大合吹也故命習之若爲享嘗豈有見用見習之理。

是月也已

節

季秋成物之時享所以報也嘗所以薦也享嘗皆用犧牲仲

秋已命宰祝循行至此則告僭而後用以盡志盡物之敬庶可將吾饗帝饗親之誠矣

合諸侯制

節

制亦是天子之勅但諸侯頒之耳爲來歲三字冠下受朔稅貢二項授曆明時王政大興以遠近定稅貢之期以上宜定稅貢之物各有其度正所謂法與數也又戒以不可掊尅而有所私勉其盡力于王事意

是月也天

三節

教田師所以教武故曰教于田獵田獵獲禽之利軍旅教命

于死人之所欲莫甚于利。所惡莫甚于死。見利則無不勇往。以赴。見危則無不逡巡以避。習之于其所甚利而忘乎危。亡之險。作其勇往之氣。而默以消其退怯之心。此先王教于田獵之深意也。習五戎二句。正是教處。命僕四句。從班馬政來。執弓矢句。從習五戎來。誓之者。欲其坐起有節。以觀其習變也。殺獲有方。以觀其不犯命也。天子親獵而下。以次獵之。習戎班政之事。于是乎行矣。皆所謂教于田獵也。

螽蟴咸俯

節

坏戶者。至此而墮其戶。螽蟴亦無不務內。無有宜出。所謂方

溫思出方秋思入勿謂螺飛蠕動無知也

乃趣獄刑

節

前所謂務搏執斬殺必當者至此無復有淹滯囹圄者矣

收祿秩之

節

名器不可以久假恩命不可以濫加或因事例而偶開或邀
寵遇之過隆于此時收其成命削其度支則仁而裁之以義
恩而濟之以威庶報功之典不至爲近倖者所濫觴而大官
之奉不至爲怙榮者所暴殄何莫非順朕令之嚴肅行天道
之義正耶

是月也命

節

爨與爨鍾鼗鼓之爨同不先攘卻不祥則不足以神其用其何以占之審之大凡備鬼神之用者每防邪祟之侵故非爨不可

是察阿黨

節

前言獄訟必端平又云無或枉撓至此恐有吏事之羅織同聲之附和平反不當覆盆含冤故從而察之曰是察者務必求其是也卽所謂于是中尋箇不是不是中尋箇是是乃所爲察耳

命百官謹

節

謹處歛處皆從天地閉塞來此比前申嚴號令又加詳慎一番分公儲私藏看

坏城郭戒

節

坏城郭而不戒門閭與不坏奚異戒門閭而不修鍵閉將以何者去戒修鍵閉而不慎管籥修之亦何所用耶件件少不得一件嚴密似一件

固封疆備

節

不脩邊竟不能固封疆不完要塞謹關梁亦不能脩邊竟若

不塞後徑亦不能完要塞。謹關梁蓋後徑是要塞關梁中或有後曲徑可以潛通可以暗度者故必閉而塞之庶可完謹以備而封疆其未固矣。若謂野獸往來之路有何關係。

飭喪紀辨

節

喪者人所自盡孰不欲觀美爲悅然窮人之欲而莫之節則富者僭而過分貧者歎而不足將不安其性命之情矣。先王以冬爲歲之終猶死爲人之終故于此時而飭正喪事之紀律也辨之審之到底正是一飭字。

是月也命

節

此與季春命工師只是一事。彼因其作而戒之。此考其成而戒之。祭器以合度程爲正。諸器以去淫巧爲正。然度程雖合。淫巧雖去。而或苟簡粗疎。冒破物料。亦非器之良也。旣合于法。又戒其淫。一以功之精微爲上。這便是工之誠處。否則爲僞而行罪以窮之。有所不免矣。此皆命工師効功之法也。

是月也大

二節

歲功之成。祖考底之。而亦臣工楨之。故因蒸祭爲燕飲。以洽情也。農事之修。群臣佐之。而實庶民勤之。故因蜡祭爲休息。以廣惠也。

天子乃命

節

仲冬將教大閱故先時而飭武備武言其道如坐作進退攻圍擊刺各有方略各有韜鈴故講之使明射御直言其事故習之使熟力則羸股肱以相抵而已故曰角

是月也乃

節

收是額內侵削是額外不過欲遂肥已之謀工聚歛之計者曰取怨是天子本無怨而彼爲取之也

飭死事

孟冬已賞死事恐有不當者故又從而飭正之

命有司曰

節

作土事則必發蓋而物不得其藏必發室屋而人不寧其處此是一事看及字起大衆則衆不安其靜是又一事必一切母之而後天時人事之閉藏庶乎堅深凝固而不可搖散也

地氣沮泄

節

地氣沮泄反上文而言不能以固而閉也諸蜚則死從作土事發蓋來疾疫喪從發室屋起大衆來蓋此月一陽生于五陰之下其氣尚微唯是安靜以固泰斯可爲他日發生之本如反是而宣泄太早則翕聚無餘命之曰暢月謂其反閉爲

暢先時令之特甚也

是月也命

節

審門閭三句以地言省婦事二句以人言雖有二句以人之
自外入者言此等人猶禁其人况非貴近者哉此三者皆官
令而奄尹之所當申也

乃命大酋

節

酒以奉祭祀供燕享故宜製造之得法尤須監臨之有人差
貸卽不齊不曉等母有正與六必字應

天子命有

節

水會于海。流于川。出于源。鍾于淵澤。注于井泉。所而視之。欲其來歲有潤澤。萬物之功。而無旱乾水溢之害也。

是月也農

節

收藏之命。業已三令五申。至是月而農猶有不收藏放佚者。是游惰而不聽令者。故取之不諫。

君子齊戒

節

身欲寧。頂齊戒。掩身來寧。身在安形性。安形性在去聲色。禁嗜欲。然不止寧身而已。凡事皆須安靜。則可符陰陽之所定。而不至于爭也。身欲寧。事欲靜。從齊戒說起。唯此心齊一而

不亂警戒而不怠。然後可寧身而靜事。易曰。聖人以洗心退
藏于密。是齊戒之極。至處形與性本不相離。汨沒于聲色者。
欲則形勞而性蕩矣。如之何其待安安。形性是保。一身之微。
陽待陰陽所定。又是保天地之微陽。蓋仲冬六陰已極。一陽
初生。善爲保合。則羣陰退聽。微陽漸長。而爭者各有定分矣。
是月也可節。

前此或有事有用。至此旣無事無用。則罷之去之。其亦可矣。
曰可以者。以其時考之。則可矣。

奎闕廷門

節

助字要看得圓活。蓋闕廷門閭圉圉。此不能盡爲閉塞者。于是月而亦塗之築之。無非順天地閉藏之令。而多方以輔助其所未盡耳。

命有司大

節

以畢春氣者。慮生機有未暢遂而完滿也。毋搖養氣者。使生長得以滋培而假大也。以達秋氣者。恐暑溽之極。假蒸熱而爲厲也。以送寒氣者。恐凝陰之害。且至慘裂而過寒也。此皆節宜四時有餘之氣。而調燮造化不足之偏。乃聖王大經濟處。

乃畢山川

節

畢是徧舉意前之未祭者固祭之已祭者亦祭之故曰畢山川有載物生財之功四時各望祀此又畢祭之帝之大臣有贊成歲事之功四時各迎祭此又畢祭之天之神祇有燮理陰陽之功一歲未有他祭孟冬惟祈天宗而未盡也故又畢祭之重報今歲之功上

命樂師大

節

合會族人以燕飲之禮其禮盛者樂必隆故大合吹昭綴恩之盛典也罷是行之有節處

是月也日

節

日以所舍之辰言故曰次月以會日之處言故曰紀星以復其故處言故曰回數將盡而未盡故曰幾歲將始而未始故曰且

專而農民

節

農事卽出五種計耦耕修耒耜其日器之事也歲且更始則東作可興故當專下之

天子乃與

節

天下無不變之法無不差之數一歲自有一歲之宜宜于今

歲者未必宜于來歲何也。天道人心俱是變通的。所以事勢氣化都隨時轉。必飭而諭之。先得其理。則我先握國典時令之樞。而數與法不能逃此理之外。自然相宜了。孟春有守典奉法之命。此又酌國典時令之宜。王者勤政授時之義。慎始敬終之心。其如天地之元氣流行于四時而不已矣。

乃命太史

四節

皇天上帝社稷之祀于來歲者。則諸侯之民獻其力以供之。寢廟之祀于來歲者。則同姓諸侯之民獻其力以供之。山林名川之祀于來歲者。則卿大夫之民及庶民獻其力以供之。

蓋有以昭民力之普存而罄四表之歡心矣

禮記思卷之一終